

尚

書

證

義

六經之遭秦火受其厄者

儒之述經義最難通者六

也賢為聖譯經賴傳明詩有毛氏

傳春秋有左氏及公羊穀梁三傳

禮雖高堂生二戴度晉之記亡而

有鄭氏注則古義具存易雖讖緯
於漢黃老於晉河汾先天於宋而
孔子之十翼存則經存承學之士
由流溯原端緒可尋可以不迷所
強惟蓄則僅有伏生大傳錯采古

說不盡釋經而又多為後人所亂洎
乎六朝鄭注行於河朔夏侯歐陽
遺說猶有存者至唐之正義專用
偽傳而鄭注遂止自宋而後蘇王林
呂諸儒又各以己意立說句讀訓故

多異古人加以篆變為隸文字傳嬗
流失愈多雜義理之同古今一揆闡
激揉贖時有名言正猶舉燭尚明
紀無治致求諸本旨邈矣山河義
訓未明違言蘊興歆通其學憂乎

艱哉我

朝經學盛昌通儒輩出晚出之書學
士多所排擊而二十八篇古義罕
有過而問者誠憾事也當湖周君
用錫績學之士篤志是經覃思累

歲成證義二十八卷以廷珍稍治
古學郵以見示受讀卒業嘆其彙
考羣籍綜覈雅詁推聲音文字
之原究古今假借之變言必有物
義必師古雅三盤八誥旨與詞艱

其間轉注旁通曲折求解將謂冥
合符契或猶待於權高又若天文
地理未盡致精典物制度亦皆從
畧此則力不並銳業有專攻要之
掃俗學之榛蕪彰前哲之典訓扶

持絕學引掖後賢其於經義殆非
小補昔唐李鼎祚輯周易集解自
謂刊輔嗣之野文補康成之逸象
扶衰述古蓋亦足多然而王弼於
元鄭荒於象齊楚得失未能相遠

是李氏之書雖有功於漢學未遂
裨於義經今周君此書貫穿羣言
折中經旨義無虛構文必足徵至
如曰若稽古不用鄭說康誥錯簡
則取蘇氏折父薄遠讀依介甫俾

我一日向準蔡傳擇善而從不分
畛域又若命以康誥是監非封逆
子南門或由出使若斯之類雖無
確證足備一義而且依經訓說不
崇辨論異同得失瑛諸後賢庶乎

古人實事求是之學在近儒著述
中惟陳氏毛詩稽古編差堪匹敵
而創通大義則所謂功與齊而力
倍之者好學深思之士習其讀而
知之當不以僕言為溢美也嘉慶

二十有一年閏六月浙江督學使
者山陽汪廷珍序

尙書證義敍

尙書二十八篇濟南伏生所傳

史記儒林傳伏生濟南人也故為秦

博士孝文帝時欲求能治尙書者天下無有乃聞

伏生能治欲召之是時伏生年九十餘老不能行

于是乃詔太常使掌故鼂錯往受之秦時焚書伏

生壁藏之其後兵大起流亡漢定伏生求其書亡

數十篇獨得二十九篇即以教于齊魯之間學者

由是頗能言尙書諸山東大師無不涉尙書以教

矣後附益大誓一篇劉向別錄曰民有得大誓書

說之數月皆起傳以教人劉歆移書大常博士曰

孝文皇帝始使掌故鼂錯從伏生受尙書尙書初

出屋壁朽折散絕大誓後得博士集而讀之案此

伏生所傳二十八篇而史記乃云獨得二十九篇

者殆因是時已于伏生所傳內益以用當時隸書

大誓共為博士之業不復別識言耳

寫之故稱今文尙書而武帝時魯共王壞孔子宅

寫之故稱今文尙書而武帝時魯共王壞孔子宅

所得者多十六篇

漢書藝文志古文尚書者出孔子壁中武帝末魯共王壞孔子

宅欲以廣其宮而得古文尚書及禮記論語孝經凡數十篇皆古字也共王往入其宅聞鼓琴瑟鐘

磬之音于是懼乃止不壞孔安國者孔子後許叔也悉得其書以攷二十九篇得多十六篇

重說文解字敘記六體書一曰古文孔子壁中書

也蓋皆科斗文字故稱古文尚書以其入于祕府

故亦謂之中古文

漢書藝文志師古注中者天子之書也言中以別于外耳

記儒林傳云孔氏有古文尚書安國以今文讀之

因以起其家逸書得十餘篇蓋尚書滋多于是矣

釋文序錄書者孔子剛錄凡百篇為之序秦禁學孔子末孫惠壁藏之家語以為孔騰字子襄所藏

漢紀尹敏傳以為孔鮒字子魚所藏未知孰是後漢書儒林傳孔安國傳古文尚書授都尉朝朝授

膠東庸譚為尚書古文學又云孔僖魯國魯人也自安國以下世傳古文尚書然則安國

所讀之篇數即伏生所傳之篇數其多得十六篇

則以無師傳不能讀故司馬遷以為逸書也史記儒林

傳伏生教濟南張生及歐陽生歐陽生教千乘兒寬自此之後魯周霸孔安國洛陽賈嘉頗能言尚

書事案此安國亦私淑于伏生先通今文者武宣之世今文立有博士

歐陽大小夏侯三家漢書儒林傳云古文則遭巫蠱事未

得列于學官漢書藝文志云後漢書儒林傳云扶風杜林

傳古文尚書同郡賈逵為之作訓馬融作傳鄭元

注解由是古文尚書遂顯于世然馬鄭之注亦惟

二十九篇隋書經籍志云其經字鄭依賈逵所奏詩齊風正義云

而十六篇則亦未嘗注也及東晉豫章內史梅賾

奏上安國之傳隋書經籍志云增多二十五篇以合于伏

生之二十八篇而去其後得之大誓又分舜典益

稷盤庚中下康王之誥各自為篇則為今之五十

八篇矣當時即置博士釋文序錄古文孔傳始興置博士鄭氏亦置博士一

人爰及六朝孔鄭竝行隋書經籍志云至唐孔穎達奉勅

作疏歷代學者遂廢鄭注而尊信孔傳釋文序錄近惟崇古

學馬鄭王注遂廢至宋吳氏棫始發其疑吳氏曰古文皆

伏生書之誥曲聲牙夫四代之書作者不一朱子

臨菴復昌言辨之朱子曰書凡易讀者皆古文伏生所傳皆難讀如何伏生偏記

其所難而易者全不能記又曰孔書至東晉方出前此諸儒皆未見可疑之甚又曰尚書孔安國傳是魏晉閒人作託安國爲名耳自是數百年來考古之士羣起而力攻其僞明則梅氏鶩有尚書考異

國朝則閻氏若璩有古文尚書疏證惠氏棟有古文尚書考宋氏鑒有古文尚書考辨然皆抉剔僞古文之采掇補綴未嘗卽二十八篇而討論其奧義近世王氏鳴盛始輯尚書後案實爲鄭氏功臣江氏聲亦作尚書音疏然江則改從籀篆而失之畧王則辨駁孔傳而失之繁用是不揆禱昧覃思指歸稽諸古訓名曰證義

凡句讀以孔傳爲正其有不從孔者則注明之凡引

馬鄭注後案已注明
采輯何書故從畧
惟以尋繹前聖之言不敢拘

泥先儒之說異同得失亦不置辨以博通君子自
可參觀而知也

嘉慶二十一年丙子孟春平湖周用錫自跋

尚書證義目

平湖周用錫述

卷一

虞夏書

堯典

舜典

卷二

虞夏書

皋陶謨

益稷

卷三

虞夏書

禹貢

卷四

虞夏書

甘誓

卷五

商書

湯誓

卷六

商書

盤庚上

盤庚中

盤庚下

卷七

商書

高宗彤日

卷八

商書

西伯戡黎

卷九

商書

微子

卷十

周書

牧誓

卷十一

周書

洪範

卷十二

周書

金縢

卷十三

周書

大誥

卷十四

周書

康誥

卷十五

周書

酒誥

卷十六

周書

梓材

卷十七

周書

召誥

卷十八 周書 洛誥

卷十九 周書 多士

卷二十 周書 無逸

卷二十一 周書 君奭

卷二十二 周書 多方

卷二十三 周書 立政

卷二十四 周書 顧命 康王之誥

卷二十五 周書 呂刑

卷二十六 周書 文侯之命

卷二十七 周書 費誓

卷二十八

周書

秦誓

和卽闕伯也。鄭注：命羲和者，命爲天地之官。下云分命申命爲四時之職，天地四時於周則冢宰司徒之屬六卿是也。星辰爲一，俱是二十八宿，人時伏生今文作民時。史記漢書所引竝同。大傳云：主春者張，昏中可以種穀，主夏者火，昏中可以種黍菽，主秋者虛，昏中可以種麥，主冬者昴，昏中可以收斂，蓋藏田獵斷伐，當告乎天子。而天子賦之民，故天子南面而視四方，星之中，知民之緩急，則不賦籍，則不舉力，殺故曰敬授民時，此之謂也。

分命羲仲，宅嵎夷，曰暘谷。寅賓出日，平秩東作。日

中星鳥，以殷仲春。厥民析，鳥獸孳尾。

嵎夷卽禹貢青州之嵎夷，後漢書列傳以爲遼東樂浪三韓之地。舜典肇十有二州，鄭注：舜以青州越海分齊爲營州，是堯時青州越海而有遼東也。說文引虞書曰：宅嵎夷，史記堯本紀又作郁夷，正義：郁音隅，考靈耀又作禺鏡，鏡亦讀夷，皆文異音同。說文：暘，日出也。卽引虞書曰：暘

谷山部又云峴山在遼西一日禹鍊峴谷不稱
 書蓋非古文也與漢書小異然叔重亦竝存其
 說非直斷其地也釋詁寅敬也釋文賓徐邈音
 賓儀禮鄉飲酒注古文賓為賓史記作敬導文
 異義同寅賓出日即史記所云帝嚳歷日月而
 迎送之也周制春分朝日天子親行之魯語云
 天子大采朝日與三公九卿祖識地德是也平
 亦古文乎之誤周禮馮相氏注引書作仲春辨
 秩東作仲夏辨秩南譌仲秋辨秩西成仲冬辨
 其朔易蓋鄭注古文尚書于周禮注所引則皆
 今文尚書以其立于學官共相傳習者也廣雅
 秩次也平秩若小正月合所紀說文引虞書曰
 平艷東作云爵之次第也音直質切是文異音
 義同史記又作便程程秩聲相近鄭注日中者
 日見之漏與不見者齊也星鳥鶉火之方殷中
 也春秋言温涼也廣雅析分也呂氏春秋高誘
 注厥民析散布在野也月令云母休于都是也
 說文孳汲汲生也尾微也史記作鳥獸字微說
 文敍云字者孳乳而淺多也音轉義同

申命義叔宅南交平秩南訛敬致日永星火以正仲夏厥民因鳥獸希革

通典云漢初置交趾郡後置交州復禹舊號是本名交其曰交趾者後世增益之也鄭注夏不言日明都三字者摩滅也釋詁訛動也謂勤動也史記作南譌今文同譌與訛古通小雅或寢或訛毛傳訛動也韓詩作或寢或譌小雅民之訛言說文引作民之譌言史記索隱又作南為云為依字讀春言東作夏言南為皆是耕作營為勸農之事是亦訓為勤動也敬致若周禮馮相氏冬夏致日鄭注謂以其景知氣至與不鄭注日長者日見之漏五十五刻日不見之漏四十五刻于四時最長也星火大火之屬夏至之氣昏火星中說文因就也京部就就高也厥民因月令云仲夏之月可以居高明也希古稀省說文稀疏也鄭注夏時鳥獸毛疏皮見

分命和仲宅西日昧谷寅饑納日平秩西成宵中

星虛以殷仲秋厥民夷鳥獸毛毳

鄭注西者隴西之西今人謂之兌山漢書臣瓚注引伏生今文作度西曰柳穀度與宅古通舜典五流有宅五宅三居史記作五流有度五度三居禹貢降丘宅土風俗通山澤篇引作降丘度土三危既宅史記作三危既度釋言宅居也方言度居也是文異義同也大傳亦云秋祀柳穀虞翻奏鄭解尚書違失事目言古大篆𠂔字讀當為柳古柳𠂔同字而以爲昧是伏傳今文作柳穀鄭傳古文作昧谷也困學紀聞云魏明帝時張掖柳谷口水溢涌寶石負圖卽其地說文餞送去也寅餞納日周制爲秋分夕月亦天子親行之魯語云少采夕月與太史司載糾虔天刑是也鄭注夜中者日不見之漏與見者齊虛元武中宿也釋詁夷易也厥民夷謂居易月合云其皆入室也史記作其民易音轉義同說文毛部毳仲秋鳥獸毛盛可選取以爲器用又引虞書曰鳥獸毳毳云毳毛盛也从毛隼聲是音近義同以希革毳毛例之毛字當在下儀禮

既夕禮注。今文髦爲毛。古文尙書毛皆作髦。

申命和叔宅朔方。曰幽都。平在朔易。日短星昴。以

正仲冬。厥民隩。鳥獸氄毛。

山海經北海之內有山名曰幽都之山。淮南子
高誘注古之幽都在雁門以北。通典云幽州因
幽都山以爲名也。山海經有幽都山。今列北荒
矣。釋詁在察也。朔易幽風云曰爲改歲也。史記
作便在伏物大傳云北方伏方也不言測候者
敬致同於夏也。鄭注曰短者日見之漏四十五
刻于四時最短昴白虎中宿也。東方南方皆三
次。鶉火大火居其中。西方北方俱七宿。虛星昴
星居其中。每時總舉一方。故指中宿與次而互
言之。玉篇隩藏也。鄭語申呂方疆其隩。愛太子
亦必可知也。韋昭注隩隱也。訓義相同。厥民隩
月令云無不務內也。鄭注古文作奧。云內也。史
記作其民煖。文異音同。馬注氄温柔貌。說文氄
羽獵韋絳重文廢引虞書曰鳥獸廢毛蓋因其

也。溫柔而借為絳名或以為稗之異文是未詳讀

帝曰咨汝羲暨和。基三百有六旬有六日。以閏月

定四時。成歲。允釐百工。庶績咸熙。

釋詁咨謀也說文謀事曰咨孔傳匝四時曰基
一歲十二月月三十日正三百六十日除小月
六為六日是為一歲有餘十二日未盈三歲足
得一月則置閏焉以定四時之氣節成一歲之
歷象說文引虞書曰稷三百有六旬稷基古今
文左傳文元年曰先王之正時也履端于始舉
正于中歸餘于終履端于始序則不愆蓋謂推步者
中民則不惑歸餘于終事則不悖蓋謂推步者
必以十一月朔日冬至為起算之端故曰履端
于始而序不愆也又十二月之中氣必在其月
如月內有冬至斯為仲冬十一月內有雨水
斯為孟春正月內有春分斯為仲春二月餘
月竝同皆以本月之中氣正在本月三十日之
中而後可名之為此月故曰舉正于中民則不

惑也。若一月之內，只有一節氣，而無中氣，則不能名之。爲何月斯，則餘分之所積，而爲閏月矣。閏卽餘也。前此餘分累積歸于此月，而成閏月。有此閏月，以爲餘分之所歸，則不致春之月入于夏，且不致冬之月入于明春。故曰：歸餘于終事，則不悖也。然惟以恆氣註歷，則置閏之理易明。何則？恆氣之日數皆平分，故其每月之內各有一節氣。一中氣，此兩氣策之日合之，共三十日。四十三刻奇，以較每月常數三十日，多四十三刻奇，謂之氣盈。又太陰自合朔至第二合朔，實止二十九日五十三刻奇，以較每月三十日，又少四十六刻奇，謂之朔虛。合氣盈朔虛計之，共餘九十刻奇，謂之月閏。乃每月朔策與兩氣策相較之差也。積此月閏，至三十三個月，閒其餘分必滿月策，而生閏月矣。閏月之法，其前月中氣必在其晦，後月中氣必在其朔，則閏月只有一節氣，而無中氣。然後名之爲閏月。晁說之云：古文作正四時，衛包方改定，釋詁允信也。周頌：王釐爾成。箋云：釐，理也。廣雅：工，官也。釋詁：績，事也。熙興也。此命義和考閏法。

帝曰疇咨若時登庸放齊曰胤子朱啓明帝曰吁
嚚訟可乎

釋詁疇誰也說文引虞書曰帝曰疇咨汗簡云
疇古文疇釋言若順也釋詁登成也周禮司勳
民功曰庸若時登庸順天時以成民功也玉篇
吁疑怪之辭也倉頡篇嚚惡也說文訟爭辯也
尺倉頡篇三倉埤倉皆見衆經音義

帝曰疇咨若予采驩兜曰都共工方鳩僝功帝曰
吁靜言庸違象恭滔天

釋詁采事也都於也鄭注共工水官也其人名
氏未聞先祖居此官故以官氏也廣雅方大也
釋詁鳩聚也說文僝具也疋部引虞書曰旁逖
屏功云逖斂聚也儀禮士喪禮注今文旁爲方
是古文方爲旁也說文旁溥也屏卽僝省皆文
異義同靜與靖通釋詁靖謀也滔當作滔古文

心旁水旁形似漢儒因相傳誤周語無卽恇淫
韋昭注恇慢也史記作善言其用僻似恭漫天
漢書王尊傳作靖言庸違象龔滔天皆文異義
同帝言共工謀則能言用則相違貌則似恭心
則慢天

帝曰咨四岳湯湯洪水方割蕩蕩懷山襄陵浩浩
滔天下民其咨有能俾乂僉曰於緜哉帝曰吁咈
哉方命圯族岳曰異哉試可乃已帝曰往欽哉九
載績用弗成

周語四岳共之從孫呂氏春秋龍門未闢呂梁
未鑿河出孟門之上大溢逆流無有丘陵高阜
滅之名曰洪水廣雅割害也釋言襄駕也廣雅
滔漫也釋詁咨嗟也釋言俾職也釋詁乂治也
說文引虞書曰有能俾暨云治也暨乂古今文
釋詁都於也是於猶都也說文弗達也方古文

放省鄭注方讀為放謂放棄致命釋詁圮毀也說文異舉也即引虞書以證釋言試用也說文乃曳辭之難也言用之或可難則已之也釋天載歲也唐虞曰載寰宇記云龍門山北有河口畧似龍門而不能通相傳鯀治水時所鑿績用弗成今名錯開河周語太子晉曰共工壅防百川墜高堙庽以害天下崇伯稱遂共工之過是共工與鯀先後任事皆無功者也

帝曰咨四岳朕在位七十載汝能庸命巽朕位岳曰否德忝帝位曰明明揚側陋師錫帝曰有鰥在下曰虞舜帝曰俞予聞如何岳曰瞽子父頑母嚚象傲克諧以孝烝烝乂不格姦帝曰我其試哉女于時觀厥刑于二女釐降二女于媯汭嬪于虞帝曰欽哉

否讀如鄙史記堯本紀作鄙德益稷否則威之
釋文徐邈否音鄙論語子所否者釋文亦音鄙
論衡亦引作鄙釋言陋隱也更命察舉旁隱之人也
文側旁也釋言陋隱也
鄭注師諸侯之師益稷州十有二師是也釋詁
錫貢訓同是錫猶貢也古者上賜下謂之錫如
錫馬蕃庶王三錫命是也下貢上亦謂之錫如
納錫大龜禹錫元圭是也古質不嫌同詞故釋
詁貢亦訓賜也師錫者射義云古者天子之制
諸侯歲獻貢士于天子也伏生大傳即引此釋
文虞氏舜名也釋言俞然也左傳僖二十四年
富辰曰心不則德義之經為頑口不道忠信之
言為嚚釋詁諧和也魯頌烝烝皇皇毛傳烝烝
厚也廣雅烝烝孝也疏證云陸賈新語道基篇
虞舜蒸蒸于父母光耀于天地後漢書章帝紀
陛下至孝烝烝奉順聖德和熹鄧后紀以崇陛
下烝烝之孝宋意傳陛下至孝烝烝張禹傳陛
下體烝烝之至孝馬融傳陛下履有虞烝烝之
孝袁紹傳伏惟將軍至孝蒸蒸發于岐嶷是烝
烝形容孝德之厚也又古艾省楊孟文石門頌

曰烝烝艾蓋本古文釋詁艾養也方言汝穎梁
 宋之閒曰艾益稷萬邦作父鄭注父養也是亦
 讀父為艾說文姦私也格格姦內則所云無私
 貨無私畜無私器不敢私假不敢私與也言舜
 處人倫之變能和以孝烝烝其養而不至有私
 也試書序云歷試諸難也左傳桓十一年宋雍
 氏女於鄭莊公杜注以下為句大雅刑于寡妻毛
 釋詁時是也于時屬下為句大雅刑于寡妻毛
 傳刑法也列女傳堯二女長曰娥皇次曰女英
 儀禮少牢饋食禮來女孝孫鄭注來讀曰釐釐
 賜也大雅釐爾女士毛傳釐予也釋詁子賜也
 是毛鄭訓相同也釋言降下也謂賜之下嫁也
 說文虞舜居媯洎因以為氏水部云洎水相入
 也釋親嬪婦也

尚書證義

平湖周用錫述

舜典

曰若稽古帝舜曰重華協于帝濬哲文明溫恭允塞。立德升聞乃命以位。

大戴禮五帝德宰我曰請問帝舜孔子曰矯牛之孫瞽叟之子也曰重華是重華舜字也隋書經籍志曰晉世秘府所存有古文尚書經今無有傳者及永嘉之亂歐陽大小夏侯尚書竝亡至東晉豫章內史梅賾始得安國之傳上之增多二十五篇以合於伏生之二十八篇而去其偽泰誓又分舜典益稷盤庚中下康王之誥各自為篇則為今之五十八篇其舜典亡闕取王肅本慎微以下之注續之齊明帝建武四年有姚方興者於大航頭得本有曰若稽古帝舜以

尚書證義

卷一

九

友伏齋本

下二十八字獻之朝議咸以為非及江陵板蕩其文北入中原學者異之劉炫遂以列諸本第
慎徽五典五典克從納于百揆百揆時敘賓于四
門四門穆穆納于大麓烈風雷雨弗迷。

釋詁徽定訓同是徽猶定也慎徽謹定也鄭注
五典五教也蓋試以司徒之職賓讀為儻舜為
上儻以迎諸侯儀禮鄉飲酒注古文儻為賓左
傳文十八年季文子曰虞書數舜之功曰慎徽
五典五典克從無違教也曰納于百揆百揆時
敘無廢事也曰賓于四門四門穆穆無凶人也
說文林屬於山為麓史記堯使舜入山林川澤
暴風雷雨舜行不迷顏氏家訓書證篇柏人城
東北有一孤山闕駟十三州志以為舜納于大
麓即此山上有堯祠世俗呼宣務山

帝曰格汝舜詢事考言乃言底可績三載汝陟帝
位舜讓于德弗嗣。

方言格來也。自關而東，周鄭之郊，齊晉之間，謂之格。釋言底致也。鄭注三載者，賓四門之後三年也。釋詁陟升也。弗嗣，徐廣云：今文作不怡。李善文選注引作不台。台即怡之省。

正月上日受終于文祖。

鄭注：帝王易代，莫不改正。建朔，堯正建丑，舜正建子。此時未改，堯正故曰正。月，上日即政。乃改堯正，故曰月正。元日，史記堯得舜二十一年而老，令舜攝行天子之政，則此受終于文祖。在相堯之二十載上，文命陟帝位，則在賓四門之後三載。舜弗敢嗣，事非一時。史策相比，史記文祖者，堯太祖也。

在璿璣玉衡以齊七政。

釋詁：在，察也。鄭注：其轉運者為機，其持正者為衡。皆以玉為之。璿璣玉衡，渾天儀也。七政，日月五星也。以機衡視其行度，以觀天意。今文作旋機。伏生大傳：旋機者，何也。傳曰：旋者，還也。機者，

幾也微也其變幾微而所動者大謂之旋機是故旋機謂之北極

肆類于上帝。禋于六宗。望于山川。徧于羣神。

國語金奏肆夏繁遏渠呂叔玉云肆遂也說文引虞書曰絺類于上帝絺肆古今文鄭注禮祭上帝於圜丘禋煙也取其氣達升報于陽也六宗言禋與祭天同名則六者皆天神謂星辰司中司命風師雨師也星謂五緯也辰謂日月所會十二次也司中司命文昌第五第四星也風師箕也雨師畢也徧以尊卑次秩祭之羣神若丘陵墳衍之屬史記作辨于羣神儀禮鄉飲酒衆賓辨鄭注今文辨皆作徧是辨徧古今文

輯五瑞。既月乃日。覲四岳羣牧。班瑞于羣后。

輯史記作揖魏修孔子廟碑亦引作揖五瑞馬注揖斂也五瑞公侯伯子男所執以為瑞信也堯將禪舜使羣牧斂之使舜親往班之是古文為揖今文為輯晉語君輯大夫就車韋昭注舊

訓輯爲揖是輯揖古相通

歲二月東巡守至于岱宗柴望秩于山川肆觀東
后協時月正日同律度量衡修五禮五玉三帛二
生一死贄如五器卒乃復五月南巡守至于南岳
如岱禮八月西巡守至于西岳如初十有一月朔
巡守至于北岳如西禮歸格于藝祖用特

鄭注歲二月者正歲建卯之月也巡守者行視
所守也岱宗者東嶽名也柴燎也望秩于山川
者編以尊卑祭之五嶽視三公四瀆視諸侯其
餘小者或視卿大夫或視伯子男矣秩次也東
后東方之諸侯也協正四時之月數及日名備
有失誤者其節氣晦朔恐諸侯有不同故因巡
守而合正之律陰呂陽律也度丈尺量斗斛衡
斤兩也五禮公侯伯子男朝聘之禮五玉卽瑞

節執之曰瑞陳列曰玉也三帛所以薦玉也受
 瑞玉者以帛薦之帛必三者高陽氏之後用赤
 繪高辛氏之後用黑繪其餘諸侯皆用白繪周
 禮改之為纁也二生一死贊者羔雁生也卿大
 夫所執雉死士所執也贊之言至所以自致也
 如者以物相授與之言授贊之器有五卿大夫
 上士中士下士也器各異飾飾未聞所用也周
 禮改之飾羔雁飾雉執之而已皆去器卒已也
 周禮太僕掌諸侯之復逆鄭司農云復謂奏事
 也卒乃復卒事乃復于堯也馬注藝禰也史記
 作歸格于禰祖柴作柴者說文亦引虞書曰至
 于岱宗崇許鄭竝傳古文也

五載一巡守羣后四朝敷奏以言明試以功車服
 以庸。

鄭注四朝四年朝京師也巡守之年諸侯見于
 方岳之下其閒四年四方諸侯分來朝于京師
 歲徧敷奏史記作徧奏周頌敷時繹思毛傳敷
 徧也是文異義同周禮司勳國功曰功民功曰

刑

肇十有二州。封十有二山。濬川。

鄭注：舜以青州越海而分齊為營州，冀州南北太遠，分衛為并州，燕以北為幽州，新置三州，并舊為十二州，更為之定界。封山，封每州之名，山以為鎮。周禮職方云：山鎮是也。釋言：濬，深也。益稷：濬，畎澮，距川。

象以典刑，流宥五刑，鞭作官刑，扑作教刑，金作贖刑，眚災肆赦，怙終賊刑。欽哉，欽哉，惟刑之恤哉。

象若周禮司寇云：乃縣刑象之法于象，魏也。說文：宥，寬也。正刑五，其有疑者，或以放流寬之。此皆古之常刑，故謂之典也。玉篇：鞭，馬箠也。馬注：官刑為辨治官事者為刑，扑當作朴，說文：朴，木皮也。鄭注：朴，檟楚也。朴為教官為刑者，養新錄云：禮經朴字，鄉射篇凡十五見，大射篇凡二十。

尚書證義

卷一

十一

友伏齋本

一見石經初刻竝从木後磨改从才今周禮司
市大刑朴罰尙从木旁蓋朴爲木皮故射禮有
取朴摺朴倚朴朴以撻人後人因改木旁从手
不知古無扑字諸經皆爲朴也馬注金黃金也
意善功惡使出金贖罪坐不戒慎者此三刑皆
特增之新法呂刑所云士制百姓于刑之中以
教祇德故謂之作而別言之也孔傳書過災害
肆緩賊殺也過誤當災者則緩而赦之怙惡惟
終者則殺而刑之此二者用法之權衡故重言
欽哉也釋詁恤憂也史記堯本紀注徐廣曰今
文作惟刑之謚哉謚與恤古通詳多士

流共工于幽洲放驩兜于崇山竄三苗于三危殛
鯀于羽山四罪而天下咸服。

釋地燕曰幽州說文州从重川徐鉉以爲今別
作洲非是括地志故龔城在檀州燕樂縣界故
老傳云舜流共工于幽州居此城通典澧州澧
陽縣有崇山卽舜放驩兜之所馬注三苗國名

也。縉雲氏之後，爲諸侯者。史記三苗在江淮荆
州，戰國策吳起對魏文侯曰：昔三苗之居，左有
彭蠡，右有洞庭。文山在其南，衡山在其北。說文
引虞書曰：敷三苗，云塞也。窳窳，古今文。禹貢鄭
注引河圖及地記書曰：三危之山，在鳥鼠之西。
南當岷山，則在積石之西南。左傳昭七年：子產
曰：昔堯殛鯀于羽山，其神化爲黃熊，以入于羽
淵。杜注：羽山在東海。祝其縣，西南漢書地理志
東海郡祝其縣。禹貢羽山在南。縣所殛後漢書
郡國志同。劉昭注引博物記曰：縣東北獨居山，
西南有淵水，卽羽泉也。俗謂此山爲懲父山。

二十有八載。帝乃殂落。百姓如喪考妣。三載四海
遏密八音。

孟子：舜相堯二十有八載。史記：堯立七十年，得
舜二十一年而老，令舜攝行天子之政，薦之于天。
堯辟位，凡二十八年而崩。徐廣曰：堯在位凡九
十八年。說文引虞書曰：放勳乃殂落。蓋古文也。

呂氏春秋堯葬穀林皇覽堯冢在濟陰城陽皇甫謚曰穀林卽城陽述征記城陽縣東有堯冢亦曰堯陵有碑是也釋詁遏止也密靜也

月正元日。舜格于文祖。

孔傳舜服堯三年喪畢將卽政故復至文祖廟告

詢于四岳。闢四門。明四目。達四聰。

釋詁詢謀也說文引虞書曰闢四門匡謬正俗云闢古闢字

咨十有二牧。曰。食哉惟時。柔遠能邇。惇德允元。而難任人。蠻夷率服。

大雅柔遠能邇毛傳柔安也箋云能猶仰也安遠方之國順仰其近者漢書百官公卿表柔遠能邇師古注能善也順仰則相善二義相因而轉釋詁惇厚也易文言元者善之長左傳季文

子曰高辛八元是也釋言阻難也是難猶阻也
釋詁任佞也史臣記舜謀于十二牧曰政首重
食惟在因天之時綏安遠方之國順仰其近者
篤厚有德信任元善而阻遏佞人使不得近如
此則四夷亦皆循服

舜曰咨四岳有能奮庸熙帝之載使宅百揆亮采
惠疇兪曰伯禹作司空帝曰兪咨禹汝平水土惟
時懋哉禹拜稽首讓于稷契暨臯陶帝曰兪汝往
哉

釋詁庸勞也熙興也亮右也采事也釋言惠順
也疇洪範九疇也說文懋勉也鄭注初堯冬官
為共工舜舉禹治水堯知其有聖德強法必有
成功故改命司空以官名寵異之非常官也至
禹登百揆之任捨司空之職為共工與虞故曰
垂作共工益作朕虞是也又云稷棄也初堯天

官為稷舜登用之年舉棄為之時天下賴后稷之功故以官名通稱舉八元使布五教契在八元中釋詁暨與也說文引虞書曰泉咎繇云眾詞與也泉暨古今文

帝曰棄黎民阻飢汝后稷播時百穀

鄭注阻讀曰俎阻厄也時讀曰蒔始者洪水時眾民厄于飢汝居稷官種蒔五穀以救活之史記注徐廣曰今文尚書作祖飢漢書亦作祖史記又作始釋詁祖始也文異義同

帝曰契百姓不親五品不遜汝作司徒敬敷五教在寬

百姓世族之得姓者詳堯典鄭注五品父母兄弟子也說文引虞書曰五品不遜云順也史記作五品不馴徐廣讀馴為訓廣雅馴訓皆順也祭法契為司徒而民成鄭注民成謂知五教之禮也左傳文十八年季文子曰使布五教父義母慈兄友弟恭子孝

帝曰皇陶蠻夷猾夏寇賊姦宄汝作士五刑有服

五服三就五流有宅五宅三居惟明克允

廣雅猾亂也論衡引作蠻夷滑夏說文無猾字古當為滑也鄭注猾夏侵亂中國也強聚為寇殺人為賊由內為姦起外為宄士察也主察獄訟之事五服白虎通云畫象者其衣服象五刑也犯墨者蒙巾犯劓者以赭著其衣服犯髡者以墨蒙其鬢象而畫之犯宮者廢犯大辟者布衣無領也鄭注三就原野也市朝也甸師氏也宅讀曰咤懲艾之器謂五刑之流皆有器懲艾五咤者是五種之器謂桎一梏二羣三三居者自九州之外至于四海三分其地遠近若周之夷服鎮服蕃服也馬注三就謂大罪陳諸原野次罪于市朝同族適甸師氏鄭注此三官是堯時事舜因禹讓述其前功

帝曰疇若予工。兪曰垂哉。帝曰兪咨垂。汝共工垂

拜稽首讓于殳斨暨伯與。帝曰：俞。往哉汝諧。

顧命垂之竹矢明堂位垂之和鐘其器為三代所寶

帝曰：疇若予上下草木鳥獸。兪曰：益哉。帝曰：俞。咨益。汝作朕虞。益拜稽首讓于朱虎熊羆。帝曰：俞。往哉汝諧。

馬注：虞掌山澤之官。史記秦本紀：伯翳佐舜調馴鳥獸。鳥獸馴服。伯翳即伯益。

帝曰：咨四岳。有能典朕三禮。兪曰：伯夷。帝曰：俞。咨伯。汝作秩宗。夙夜惟寅。直哉惟清。伯拜稽首讓于夔龍。帝曰：往欽哉。

鄭注：三禮，天事、地事、人事之禮也。鄭語：姜伯夷之後也。伯夷能禮于神以佐堯。鄭注：秩宗，主次。

秩尊卑釋詁寅敬也廣雅直正也釋詁哉始也

帝曰夔命汝典樂教胥子直而溫寬而栗剛而無
虐簡而無傲詩言志歌永言聲依永律和聲八音
克諧無相奪倫神人以和夔曰於予擊石拊石百
獸率舞

鄭注胥子國子也說文引虞書曰教育子釋詁
育長也是文異義同典樂之官兼教胥子者樂
記云禮節民心樂和民聲也周禮大司樂所掌
亦以樂德教國子鄭注詩所以言人之志意也
永長也歌又所以長言詩之意也聲之曲折又
依長言而為之聲中律乃為和也釋詁諧和也
說文引虞書曰八音克諧云樂和諧也音義並
同鄭注石磬也百獸服不氏所養者也說文拊
搯也拊摩也是拊猶摩也考工記磬氏為磬已
上則摩其旁已下則摩其端鄭注大上聲清也

大下聲濁也。是拊石，諧磬聲之清濁也。釋詁：率，循也。率舞，百獸應節而循舞也。

帝曰：龍朕，聖讒說殄行，震驚朕師。命汝作納言，夙夜出納朕命，惟允。

說文：聖，奎之重文，云疾惡也。殄，古與腆通，邶風：邊條不殄。箋云：殄，當作腆。燕禮：寡君有不腆之酒。鄭注：古文腆作殄。說文：腆，多也。釋詁：行，言也。郭注：今江東語通謂言為行。是殄行，多言也。周禮：太僕出入王之命，掌諸侯之復逆，是虞之納言，即周之太僕也。

帝曰：咨汝二十有二人，欽哉，惟時亮天功。

馬注：稷契皋陶皆居官久有成功，但述而美之，無所復勅。禹及垂已下，皆初命。凡六人，與上十二牧四岳，凡二十二人。釋詁：亮，道也。以時輔導天之功。

三載考績，三考黜陟幽明。庶績咸熙，分北三苗。

北篆文別字之誤說文北字从二人作𠂇別字从重八作𠂇云分也引孝經說上下有別二篆相似鄭傳古文尚書因誤𠂇為𠂇故虞翻奏鄭解違失事目以訓北猶別為可怪

舜生三十徵庸三十在位五十載陟方乃死

鄭注舜生三十謂生三十年也登庸二十謂歷試二十年位在位五十載陟方乃死謂攝位至死為五十年舜年一百歲也史記舜年二十以孝聞年三十堯舉之年五十攝行天子事年五十八堯崩年六十一代堯踐帝位踐帝位三十九年南巡狩崩于蒼梧之野葬于江南九疑是為零陵以史記合之當從鄭作登庸二十

尙書證義

平湖周用錫述

皐陶謨

說文言部作咎繇謨伏生大傳同

曰若稽古皐陶曰允迪厥德謨明弼諧禹曰兪如
何皐陶曰都慎厥身修思永惇敍九族庶明勵翼
邇可遠在茲禹拜昌言曰兪

鄭注皐陶下屬為句釋詰迪進也惇敍若文王
世子云庶子之正于公族者教之以孝弟睦友
子愛明父子之義長幼之序也廣雅勵勸也逸
周書和寤解王乃勵翼于尹氏八士說文昌美
言也

臯陶曰。都在知人。在安民。禹曰。吁。咸若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷乎有苗。何畏乎巧言令色孔壬。

釋言哲。智也。說文惠。仁也。釋言孔。甚也。釋詁壬。佞也。

臯陶曰。都亦行有九德。亦言其人有德。乃言曰。載采采。禹曰。何。臯陶曰。寬而栗。柔而立。愿而恭。亂而敬。擾而毅。直而溫。簡而廉。剛而塞。彊而義。彰厥有常。吉哉。

亦當作余。篆文余與夾似。因相傳誤。說文余。詞之必然也。周禮大宗伯。則攝而載。果。鄭注。載為

也釋詁采事也載采采猶立法政云宅乃事宅乃
牧宅乃準也臯陶言知人之法必其人行有九
德必僉言其人有德乃告教于君分職以任事
廣雅何問也請問其目也史記注徐廣曰擾本
作擾說文擾牛柔謹也从牛憂聲玉篇擾馴也
尚書擾而毅如此春秋傳乃擾畜龍應劭亦音
擾為柔鄒風秉心塞淵箋云塞充實也說文引
虞書曰剛而憲云實也音義並同義當讀如儀
周禮肆師治其禮儀鄭注故書儀為義鄭司農
云義讀為儀古者書儀但為義今時所謂義為
誼文侯之命父義和鄭注義讀為儀釋詁儀善
也謂性發彊而又良善也正義寬謂度量寬宏
柔謂性行和柔愿謂容貌恭正亂謂剛柔治理
擾謂事理擾順直謂身行正直簡謂氣量凝簡
剛謂事理剛斷強謂性行堅強凡人之性有異
有其上者不必有下有其下者不必有上上下
相協乃成其德人能明其德所行使有常則成
善人矣

日宣三德夙夜浚明有家日嚴祇敬六德亮采有

邦。翁受敷施。九德咸事。俊父在官。百僚師師。百工
惟時。撫于五辰。庶績其凝。

說文曰實也廣雅同月合正義引春秋元命苞
云日之為言實也說文夙早敬也周語叔向曰
夙夜恭也夙夜屬上為句說文浚扞也徐云扞
取出之也小雅祀事孔明箋云明猶備也釋文
嚴音魚檢反是嚴讀如儼大雅有嚴天子毛傳
嚴然而威釋文嚴毛讀魚檢反荀子儒效篇嚴
嚴乎其能敬已也楊倞注嚴或作儼嚴儼古相
通也釋詁亮右也采事也三德六德必言夙夜
祇敬者九德皆以敬為本也公羊何休注禮諸
侯三年一貢士于天子敬為本也命與諸侯輔助為
政所以通賢共治示不獨專重民之至也翁受
若周禮地官云鄉大夫羣吏獻賢能之書于王
王再拜受之登于天府也敷施若地官云使民
興賢出使長之使民興能入使治之也鄭注才
德過千人為俊百人為又廣雅師師眾也言得
人之眾也廣雅時善也小雅爾毅既時毛傳時

善也。說文：撫，循也。小雅：我辰安在。毛傳：辰，時也。禮運：播五行于四時，故為五辰也。臯陶言官人之法，其實能宣著三德而恭敬者，則取之以備有家而為大夫，其實能儼然祇敬而有六德者，則佐事有邦而為命卿，合而受之，以廣選舉，分而施之，以治內外，如此則九德皆任，邦事俊乂，竝在庶官，百僚師師，得人，百官惟善厥職，循五辰以布治而庶績皆成矣。

無教逸欲有邦。兢兢業業。一日二日萬幾。無曠庶

官。天工人其代之。

說文：教，上所施，下所效也。釋訓：兢兢，戒也。業業，危也。廣雅：工，官也。設官本於天，人代天治之，故不可曠也。

天敘有典，勅我五典，五惇哉。天秩有禮，自我五禮有庸哉。同寅協恭，和衷哉。天命有德，五服五章哉。

天討有罪。五刑五用哉。政事懋哉懋哉。

鄭注五典五教也。又云五禮天子也。諸侯也。卿大夫也。士也。庶民也。又云五服十二也。九也。七也。五也。三也。廣雅勅順也。有庸釋文馬本作五庸廣雅衷善也。說文懋勉也。漢書董仲舒傳引作茂哉茂哉。釋詁茂勉也。音義竝同。古相通言天之次序民有典。人君當順我之五典而各厚之。天之秩次民有禮。人君當率我之五禮而各用之。人臣當同其寅。協其恭。勉于和善。天命有德之民。人君當以五服次其尊卑。而章之。天討有罪之民。人君當以五刑權其輕重。而用之。典禮命討皆出於天。凡大而政小而事可不勉。勉哉。此臯陶言安民之事。

天聰明自我民聰明。天明畏自我民明威。達于上

下。敬哉有土。

畏當從釋文馬本作威。廣雅達通也。鄭注言天所善惡與民同。

臯陶曰。朕言惠。可底行。禹曰。兪。乃言底可績。臯陶曰。予未有知。思曰贊贊襄哉。

釋言。惠順也。底致也。鄭注。贊明也。襄之言揚言。我未有所知。所思徒贊明帝德。揚我忠言而已。謙也。

尚書證義

平湖周用錫述

益稷

帝曰。來禹。汝亦昌言。禹拜曰。都。帝。予何言。予思日
孜孜。皐陶曰。吁。如何。禹曰。洪水滔天。浩浩懷山襄
陵。下民昏墊。予乘四載。隨山刊木。暨益奏庶鮮食。
予決九川。距四海。濬畎澮。距川。暨稷播奏庶艱食。
鮮食懋遷。有無化居。烝民乃粒。萬邦作乂。皐陶曰。
兪。師。汝昌言。

說文。攷。汲。汲。汲也。方言。吁。然也。鄭注。昏。沒也。墊。陷也。說文引虞書曰。予乘四載。云水行乘舟。陸行

乘車山行乘標澤行乘軌釋詁暨與也說文奏
 進也周禮庖人注鄭司農云鮮謂生肉廣雅距
 至也釋言濬深也考工記匠人爲溝洫耜廣五
 寸二耜爲耦一耦之伐廣尺深尺謂之畎田首
 倍之廣二尺深二尺謂之遂九夫爲井井閒廣
 四尺深四尺謂之溝方十里爲成成閒廣八尺
 深八尺謂之洫方百里爲同同閒廣二尋深二
 仞謂之澮與畎同說文引虞書曰濬洫距
 澮洫澮亦濬之古文先言決川者川既入海
 然後澮得入川也釋名艱根也釋文艱馬本作
 根云根生之食謂百穀懋遷有無若周禮司市
 云亡者使有也廣雅作始也釋詁又治也禹言
 洪水之時人有沒陷之害于乘舟車標輶隨山
 槎木以通道與益進新殺之鳥獸以爲民食子
 乃先決九州之川以至海然後濬畎以通澮澮
 澮以距川與稷教民播種進庶根生之食及決
 川所以漁之魚鼈以爲食勉民遷有於無使相交
 易所以化其居貨烝民乃復粒食萬邦始以治平

禹曰都。帝慎乃在位。帝曰俞。禹曰安汝止。惟幾惟康。其弼直。惟動不應。後志以昭。受上帝。天其申命用休。

安汝止猶論語云居其所也釋詁惟思也幾危也康安也弼備也後待也周禮小史掌邦國之志鄭司農云志謂記也玉藻動則左史書之是也唐虞時丞職志禹言人君正位于上思其危思其安其輔弼之臣効忠直惟君舉動則應命惟謹而待記載以垂後以是昭受上帝天將重命之而用休嘉矣

帝曰吁。臣哉鄰哉。鄰哉。臣哉。禹曰俞。

帝言臣當勉鄰之職鄰當勉臣之職欲其竭忠也

帝曰。臣作朕股肱耳目。予欲左右有民。汝翼。予欲

宣力四方。汝為子欲觀古人之象。日月星辰山龍。華蟲作會。宗彝藻火粉米黼黻絺繡。以五采彰施于五色。作服。汝明。予欲聞六律五聲八音。在治忽。以出納五言。汝聽。

為當如呂氏春秋審為篇高誘注讀相為之為大雅福祿來為箋云為猶助也鄭注會讀為繪謂畫也絺讀為荷荷紵也謂刺也宗彝虎也謂宗廟之鬱鬯尊也宗廟彝器有虎彝故以宗彝名虎也粉米白米也自日月至黼黻凡十二章天子以飾祭服日也月也星辰也山也龍也華蟲也六者畫以作繪施于衣也宗彝也藻也火也粉米也黼也黻也六者紵以爲繡施于裳也至周而變之以三辰為旂謂龍為袞宗彝為毳或損益上下更其等差周禮有袞冕驚冕毳冕袞驚毳者各是其服章首所畫舉其首章以明服耳袞是袞龍也袞冕九章以龍

為首。鷩是華蟲也。鷩冕七章，以華蟲為首。毳是虎雌也。毳冕五章，以虎雌為首。虎毛淺，雌毛深。故以毳言之。毳亂毛也。性曰采，施曰色。未用謂之采，已用謂之色。此十二章為五服。天子備有焉。公自山龍而下，侯伯自華蟲而下，子男自藻火而下。卿大夫自粉米而下，六律舉陽陰從可知也。又云：留者笏也。臣見君所乘書思對命者也。君亦有焉，以出內政教于五官。史記索隱曰：古文在治忽。今文作采，政忽。鄭氏訓留為笏，是鄭傳之。古文作留，索隱所據。古文即梅氏孔傳爾藻火粉米。說文：王部引虞書曰：璪，火粉米云。璪，玉色如水藻之文。荷部翻云：畫粉也。是音義同。此告以勉臣之職。汝翼，汝為作股肱也。汝明汝聽，作耳目也。

子違汝弼。汝無面從，退有後言。欽四鄰。

違如左傳昭德塞違之違。大傳云：古者天子必有四鄰。前曰疑，後曰丞。左曰輔，右曰弼。天子有問無以對，責之疑，可志而不志，責之丞，可正而不正，責之輔，可揚而不揚，責之弼，其爵視卿。其

祿視次國之君是也。虞之四鄰至周為三公。文王世子大戴禮亦號四輔。此告以勉鄰之職。

庶頑讒說。若不在時。侯以明之。撻以記之。書用識

哉。欲並生哉。工以納言。時而颺之。格則承之。庸之

否則威之。

廣雅時善也。考工記梓人為侯。說文撻。鄉飲酒。罰不敬。撻其背。重文。違云。古文。撻引。虞書曰。違。以記之。說文。生進也。工。古。攻省。考工記。凡攻木。之。工。七。鄭注。攻。猶治也。納言。命龍之官。颺。與揚。通。廣雅。揚。說也。說文。承。奉也。庸。用也。否。釋文。徐。邈。音。鄙。師。卦。小人。否。釋文。亦音。鄙。云。惡也。言。庶。頑。讒。說。之。人。若。不。在。于。善。則。射。侯。以。見。其。志。撻。背。以。記。其。過。著。于。書。以。用。為。識。凡。此。欲。其。竝。進。于。善。也。而。又。治。以。納。言。之。官。因。時。道。揚。以。化。誘。其。能。感。格。者。則。奉。之。用。之。其。惡。者。則。刑。威。之。

禹曰。兪哉。帝。光天之下。至于海隅。蒼生。萬邦黎獻。

共惟帝臣。惟帝時舉。敷納以言。明庶以功。車服以庸。誰敢不讓。敢不敬應。帝不時敷。同日奏罔功。

周頌學有緝熙於光明。毛傳光廣也。荀子禮論積厚者流澤廣。大戴禮禮三本篇作流澤光。光廣古通。光天之下。猶小雅溥天之下也。左傳傷二十七年。趙襄引夏書曰。賦納以言。明試以功。車服以庸。杜注。賦納以言。觀其志也。明試以功。考其事也。車服以庸。報其勞也。賦與敷古通。禹因帝言。簡不肖。而言考績之法。明則天下孰敢不推賢讓能。以敬應上命。論語所謂不仁者遠也。釋詁。時是也。廣雅。同輩也。敷同屬。上為句說。文。奏。進也。言帝不如是。分其儕輩。則人才雖日進而無功。

無若丹朱傲。惟慢遊是好。傲虐是作。罔晝夜頡頏。罔水行舟。朋淫于家。用殄厥世。予創若時。娶于塗。

山辛壬癸甲。啓呱呱而泣。予弗子。惟荒度土功。弼成五服。至于五千。州十有二師。外薄四海。咸建五長。各迪有功。苗頑弗卽工。帝其念哉。帝曰。迪朕德。時乃功。惟敘。皐陶方祗厥敘。方施象刑。惟明。

史記夏本紀首有帝曰二字。漢書楚元王傳劉向上奏曰。臣聞帝舜戒伯禹。無若丹朱。傲論衡譴告篇。舜教禹曰。無若丹朱。傲是與史記合。說文傲。倨也。亦部。引虞書曰。若丹朱。暴讀若傲。云嫚也。字脫義同。又糸部云。絀。虞書丹絀。如此。蓋古文也。鄭注。丹朱。見洪水時。人乘舟。今水已治。猶居舟中。額。額。使人推行之。玉篇。朋。羣也。說文引虞書曰。朋。淫于家。朋。古今文。釋詁。珍。絕也。珍。世。絕。子。嗣也。說文。創。亦之。重。文。傷也。傷。痛。丹。朱。之。若。是。也。史記。作。子。不。能。順。是。下。有。禹。曰。二。字。論。衡。問。孔。篇。引。書。禹。曰。子。娶。塗。山。亦。與。史。記。合。張。守。節。云。帝。及。禹。相。答。極。爲。次。序。左。傳。哀。七。

年禹會諸侯于塗山杜注塗山在壽春東北漢
 書地理志九江郡治壽春有當塗侯國應劭注
 禹所娶塗山侯國也禹墟說文引虞書曰子
 娶塗山云會稽山一日九江當塗也句異音同
 鄭注登用之年始娶于塗山氏三宿而為帝所
 命治水說文呱小兒號聲廣雅呱呱號也釋文
 子鄭讀為字列子說符篇禹惟荒度土功子產
 弗字周頌天作高山太王荒之毛傳荒大也釋
 詁度謀也大謀敷土之功即上文云子乘四載
 隨山刊木也釋詁弼備也五服禹貢侯甸綏要
 荒服也洪水氾濫五服不能正其封疆禹治平
 水土備成之每服五百里四方相距為方五千
 里說文引虞書曰即成五服云輔信也文異義
 同十有二師即舜典十有二牧也釋名薄迫也
 五長王制云五國以為屬屬有長也釋詁迪道
 也玉篇即就也廣雅工官也乃汝也方古文旁
 詳堯典說文旁溥也方祗厥敍若周禮小宰之
 職以六敍正羣吏也方施象刑若大司寇之職
 始和布刑于邦國都鄙小司寇正歲帥其屬而
 觀刑象合羣士宣布于四方憲刑禁也鄭注歸

美于二臣

夔曰。夏擊鳴球。搏拊琴瑟。以詠。祖考來格。虞賓在位。羣后德讓。下管鼗鼓。合止祝敵。笙鏞以閒。鳥獸蹌蹌。蕭韶九成。鳳凰來儀。

鄭注。夏。樂也。夏擊鳴球。球。已下數器。鳴球。即玉磬也。磬。懸也。而以合堂上之樂。玉磬。和尊之也。搏拊。以韋為之。裝之以糠。形如小鼓。所以節樂。以詠者。謂歌詩也。祖考。來格者。謂祖考之神來至也。虞賓。謂舜以爲賓。即二王後。丹朱也。羣后。德讓者。謂諸侯助祭者。以德讓也。已上皆宗廟堂上之樂。所感也。以下言舜廟堂下之樂。故言下合樂。用祝。祝狀如漆。箭中有椎。合之者。投椎于其中。而撞之。敵狀如伏虎。背有刻。以物擲之。所以止樂。東方之樂。謂之笙。笙。生也。東方生長之方。故名樂爲生也。西方之樂。謂之鏞。鏞。功也。西方物熟。有成功。亦謂之頌。頌。亦是頌其成也。以西

閒者堂上堂下閒代而作。蹠蹠謂飛鳥走獸。蹠蹠然而舞也。蕭韶舜所制樂也。樂備作謂之成。成猶終也。每曲一終必變更奏。若樂九變。人鬼可得而禮。故致得鳳皇來儀。雄曰鳳。雌曰皇。儀匹來儀。言其止巢而乘匹。

夔曰於予擊石拊石。百獸率舞。庶尹允諧。

釋言尹正也。庶尹若周禮大師以下諸職也。允諧舜典所云八音克諧也。

帝庸作歌曰。勅天之命。惟時惟幾。乃歌曰。股肱喜哉。元首起哉。百工熙哉。皐陶拜手稽首。颺言曰。念哉。率作興事。慎乃憲。欽哉。屢省乃成。欽哉。乃賡載歌曰。元首明哉。股肱良哉。庶事康哉。又歌曰。元首叢脞哉。股肱惰哉。萬事墮哉。帝拜曰。兪。往欽哉。

廣雅勅順也繫辭幾者動之微釋言興起也釋
 詁熙興也堯典庶績咸熙史記五帝紀作叙功
 皆興揚雄劇秦美新膠東合王君碑竝作庶績
 咸喜學記不興其善不能樂學鄭注興之言喜
 也是喜起熙皆興也故下文臯陶曰率作興事
 也釋詁憲法也廣續也說文以爲古續字鄭注
 叢脞總聚小小之事以亂大政說文目部睽目
 小也从目聖聲徐云尙書元首叢脞哉叢脞猶
 細碎也今从肉非是